

Dragi prijatelji, članovi OM BiH, čitatelji,

Pred vama se nalazi **septembarsko** izdanje mjesečnog informativnog Biltena Omladinskog Resursnog Centra (ORC) Tuzla i Omladinske mreže Bosne i Hercegovine.

Bilten izlazi na bosanskom-srpskom-hrvatskom i engleskom jeziku. U njemu se nalaze informacije o aktivnostima Omladinskog Resursnog Centra (ORC) Tuzla, te Omladinske Mreže Bosne i Hercegovine, informacije o mjesečnim aktivnostima omladinskih organizacija i grupa - članica ove mreže, njihovi planovi za naredni period, te ostale korisne informacije (donatori, pozivi na konferencije i seminare, školarine, stipendije...).

Ukoliko želite da budete na mailing listi za naredna izdanja mjesečnog informativnog biltena ili ako imate pitanja ili sugestije, javite nam se. Mjesečni informativni bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

<http://www.omladina-bih.net>

**Uživajte u čitanju!!**

## SADRŽAJ

Aktivnosti u septembru 2011.	.....	2
Planovi za oktobar 2011.	.....	3
Aktivnosti dijela članica mreže	.....	4
Nove članice	.....	20
Informacije/donatori/konkursi	.....	22

## AKTIVNOSTI hCa/ORC-a U SEPTEMBRU 2011.

### • Učesnici puta mira kroz BiH posjetili ORC Tuzla

U okviru putovanja mira na biciklima do i kroz Bosnu i Hercegovinu, u organizaciji nevladinog udruženja Međunarodno društvo za pomirenje (Internationaler Versöhnungsbund), učesnici putovanja posjetili su 18. septembra Tuzlu, te tom prilikom posjetili i Omladinski Resursni Centar (ORC) Tuzla. Tokom druženja sa biciklistima iz Austrije, BiH, Njemačke i Velike Britanije, te mladima – članovima omladinskih organizacija iz Tuzle, razgovarali smo o aktuelnoj situaciji i problemima sa kojima se mladi u BiH trenutno susreću. Najviše pažnje učesnika putovanja mira privukao je problem pasivnosti mladih u BiH, te uzroci te pasivnosti. U okviru posjete učesnika puta mira dogovorene su neke od budućih zajedničkih aktivnosti mladih iz Tuzle sa učesnicima turneje.



### • ALTYO - Advocacy and Lobbying Course

U okviru projekta ALTYO, koji implementira PRONI Brčko, u saradnji sa nevladinim organizacijama iz Makedonije, i pod pokroviteljstvom EU, u Strugi je od 20. do 23. septembra održan treći modul treninga – razvoj partnerstva. Na ovom treningu učestvovao je i predstavnik ORC Tuzla. U okviru ovoga partnerskog projekta biće održan još jedan modul treninga, a svi partneri u projektu će nakon održanih treninga implementirati planirane aktivnosti u zagovaranju. Aktivnosti javnog zagovaranja biće usmjerene ka iniciranju održivih promjena za poboljšanje statusa ciljnih grupa – posebno usmjerene prema zapošljavanju. Sve akcije javnog zagovaranja biće održane u period mart – juni 2012. godine.

### • Regionalna omladinska mreža protiv diskriminacije Zapadnog Balkana

U okviru projekta: **Regionalna omladinska mreža protiv diskriminacije Zapadnog Balkana**, koji implementiramo sa partnerima iz: Makedonije, Srbije, BiH i Kosova, tokom septembra počeli smo pripreme Bazičnih radionica za senzibilizaciju diskriminacije za mlade na nacionalnom nivou. Tokom septembra smo radili i na planiranju cjelokupnog partnerskog projekta, koji traje do 2013. godine. O ovome više informacija u narednim biltenima.

### • Anna Lindh mreža BiH

U okviru Anna Lindh Mreže Bosna i Hercegovine ([www.euromedalex.org](http://www.euromedalex.org)) u septembru smo poslali izvještaj o aktivnostima ALF BiH za protekli period. Isto tako, na osnovu zaduženja članica ALF BiH sa sastanka mreže u julu radili smo na pripremama evaluacije ALF BiH. Tokom septembra smo, u okviru literarnog natječaja ALF-a "More riječi" radili na selekciji priča iz Bosne i Hercegovine. Ovogodišnji predstavnici BiH u ovom takmičenju su:

Marko Raguž sa kratkom pričom „Raspelo“ i Nerma Nezirević – „Živac kao žica“.

### Tokom septembra radili smo i na:

#### Održavanju i razvoju komunikacija i kordinacije unutar Omladinske Mreže Bosne i Hercegovine ([www.omladina-bih.net](http://www.omladina-bih.net)). U okviru toga smo:

- svakodnevno na mejling listu mreže ([posta@omladina-bih.net](mailto:posta@omladina-bih.net)), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH (pozivi na radionice, seminare, konferencije, pozivi za projektne aplikacije, poslovi, školarine, ostale aktivnosti);
- Održavali i redovno dopunjavali informacije na našoj web stranici [www.omladina-bih.net](http://www.omladina-bih.net);
- Slali informacije koje smo dobili od omladinskih organizacija i pojedinaca iz mreže prema vani (međunarodnim organizacijama, organizacijama u regionu, donatorima);
- Vršili korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH.

### PLANOVI HCA/ORC-A ZA OKTOBAR

Početak implementacije regionalnog projekta: **Regionalna omladinska mreža protiv diskriminacije Zapadnog Balkana**, koji implementiramo sa partnerima iz: Makedonije, Srbije, BiH i Kosova.

Nastavak rada hCa/ORC Tuzla na redovnoj distribuciji informacija omladinskim organizacijama u Bosni i Hercegovini, kao i uređivanje i distribucija mjesečnog biltena Omladinske Mreže Bosne i Hercegovine;



## AKTIVNOSTI ČLANICA OMLADINSKE MREŽE BIH



SARAJEVO OPEN CENTRE  
SARAJEVSKI OTVORENI CENTAR  
SARAJEVSČKI OTVORENI CENTAR

**SARAJEVSKI OTVORENI CENTAR**  
**Tina Ujevića 19/1, 71 000 Sarajevo**  
**Tel./fax: 033 219 797**  
**E-mail: office@soc.ba**  
**Web: www.soc.ba**

### PROGRAMI SARAJEVSKOG OTVORENOG CENTRA U OKTOBRU 2011.

- **SARAJEVO- X CIKLUS ŠPANSKE KINEMATOGRAFIJE** - Organizatori: Ambasada Španije u BiH i Sarajevski otvoreni centar
17. – 23. oktobra 2011.godine, Kino Obala Meeting point, Hamdije Kreševljakovića 13 i Art kino Kriterion, Obala Kulina bana 2
- **Igrani filmovi: 17.- 21. 10. 2011., Kino Obala Meeting point, Hamdije Kreševljakovića 13**
    - **17.10.2011., 20h**, Ćelija 211, igrani film, režija: Daniel Monzon, Španija 2009., 113 min.
    - **18.10.2011.** 20h, Nokturna, magična noć, igrani film, režija: Adria Garcia, Victor Maldonado, Španija 2007., 80 min
    - **19.10.2011.** 20h, Tajna u njihovim očima, igrani film, režija: Juan José Campanella, Argentina 2009., 129 min.
    - **20.10.2011.** 20h, Zračni jastuk, igrani film, režija: Juanma Bajo Ulloa, Španija 1997., 112 min.
    - **21.10.2011.** 20h, Skriveni život riječi, igrani film, režija: Isabel Coixet, Španija 2005., 115 min.
  - **Veče kratkog španskog filma, 22.10.2011, 20:20h Art kino Kriterion, Obala Kulina bana 2**
    - **Joselyn**, kratki igrani film, režija: Susan Bejar, Španija 2011., 19 min.
    - **Stvar u čošku**, kratki animirani film, režija: Zoe Berriatua, Španija 2011., 10 min.
    - **Posljednja scena**, kratki igrani film režija: Arturo Ruiz Serrano, Španija 2011., 13 min.
    - **Niko nije kriv**, kratki igrani film režija: Esteban Crespo, Španija 2011., 14 min.
    - **Oni kažu**, kratki igrani film. režija: Alauda Ruiz de Azua, Španija 2011., 18 min.
  - **Veče kratkog španskog filma, 23. 10.2011. Art kino Kriterion, Obala Kulina bana 2**
    - **Završna faza**, kratki igrani film, režija: Marta Genova, Španija 2011., 13 min.
    - **Porodica moje djevojke**, kratki igrani film, režija: Guillermo Chapa, Španija 2011., 12 min.
    - **Bez riječi** kratki igrani film, režija: Bel Armenteros, Španija 2011., 14 min.
    - **Ljevak** kratki igrani film, režija: Demetrio Elorz Lazkanotegi, Španija 2011., 20 min.
- **Izložba plakata španske kinematografije**, 17.-23.10 2011., Sarajevo, Art kino Kriterion, Obala Kulina bana 2
- **Party, DJ EME, 22. 10. 2011.**, Sarajevo, Art kino Kriterion, Obala Kulina bana 2, 24 h

## SARAJEVO

### **Evropski rezidencijalni program za književnike i književne prevoditelje 2011-2012. Sarajevo 2.10.-31.10. 2011.**

Od 2. do 31. oktobra 2011. godine u Sarajevu će boraviti srbijanski satiričar i pjesnik **Tomislav Marković**, gdje će raditi na svojoj novoj knjizi i svoj književni rad predstaviti sarajevskoj publici. Evropski rezidencijalni program za književnike i književne prevoditelje projekt je Sarajevskog otvorenog centra i književne mreže Traduki.

U toku mjeseca oktobra u Sarajevu će boraviti i njemački pjesnik, **Dieter M. Graef**, također u sklopu Evropskog rezidencijalnog programa za književnike i književne prevoditelje 2011, čiji boravak se realizuje uz pomoć Goethe-Instituta u Sarajevu.



### **UDRUŽENJE GRAĐANA 'KRIVA RIJEKA'**

Solun bb, 71 340 Olovo

Tel./Fax: 032/827-212

E-mail: [ug.krivarijeka@hotmail.com](mailto:ug.krivarijeka@hotmail.com)

## **DANI MIRA U DERVENTI**

Obilježavanje Međunarodnog dana mira ima za cilj promovirati važnost mirovnog aktivizma u Bosni i Hercegovini, kao i važnost bavljenja ovom problematikom.

Regionalna mirovna inicijativa” u Derventi je organizovala obilježavanje Dana mira pod nazivom “**I solidarnost je put ka miru**”.

Prezentacijom svojih aktivnosti, mirovni aktivisti su poslali poruku mira i pozvali sve građane Bosne i Hercegovine i svijeta na mir, suživot i razumijevanje.



Međunarodni dan mira obilježava se u cijelom svijetu 21. septembra. Rezolucijom UN-a iz 2001. godine ovaj datum određen je danom nenasilja i prekida neprijateljstava u svijetu.

Dana 20. i 21. septembra 2011. godine svoje učešće u obilježavanju Međunarodnog dana mira u Derventi uzeo je i “Karavan mira”. Karavan je sa svojom performansom nastupao na gradskom trgu. Škole učesnice “Karavana mira” su: Sapna, Orahovac, Caparde, Memići, Kalesija, Rainci Gornji, Tojšići, Vukovije, Kakanj, Visoko, Ročević, Kozluk, Čelopek i Olovo. Nastavnici, zaduženi za pažnju i zaštitu djece su: Alisa, Edina, Snježana, Nisvet, Nusret, Adis, Isak.

Organizator “Karavana mira” je WVI - Tuza, te njihovi uposlenici direktorica Venita i rukovodioci radionica, Mirza i Adnan...



## UDRUŽENJE KULT - GRADAČAC

Ul. Reufa Huseinagića bb, 76 250 Gradačac

Tel.: 035 818 472

E-mail: [mirel.bijedic@kultbih.org](mailto:mirel.bijedic@kultbih.org)

Web: [www.kult-gradacac.org](http://www.kult-gradacac.org)

### • Međunarodni Sajam šljive 2011

Udruženje KULT Gradačac zajedno s općinom Gradačac i Centrom za kulturu „Ahmed Muratbegović“ Gradačac je učestvovalo u kreiranju i realizaciji kulturno-zabavnog programa za 38. međunarodni Sajam šljive koji se održao od 01. - 04. IX 2011.godine.

U kulturno – zabavnom programu između ostalog, održan je i koncert demo-bendova sa područja općine Gradačac. Koncert je rezultat aktivnosti koje su se odvijale u sklopu projekta UMID II (Učešće mladih u strateškom razvoju lokalne zajednice) i održan je u gradskom kinu u Gradačacu 01.09.2011. godine. Najbolja grupa koju je ocjenio stručni žiri učestvovala je u subotu tokom Plave noći (završna noć Sajma) na centralnoj bini na poligonu Luke Gradačac.

Osim koncerta održana je i radionica pod nazivom **“Aktivni mladi u lokalnoj zajednici“** na kojoj su učestvovali učenici srednjih škola sa područja općine Gradačac. Radionicu su vodili učesnici obuke UMID (Uči, misli i djeluj).



### • Završen seminar za trenere u okviru realizacije projekta “Implementacija integrisanog koncepta profesionalne orijentacije na Zapadnom Balkanu”

GIZ, Njemačko društvo za međunarodnu saradnju, do 1.1. 2011. poznat kao GTZ, u BiH realizuje projekat Profesionalne orijentacije. Projekat ima regionalni karakter, što znači da se osim u BiH realizuje i na području Srbije, Crne Gore i Kosova. U toku 2010. godine realizovana je 1. pilot faza ovog projekta.

Osim škola, koje su odabrane u saradnji sa nadležnim Ministarstvima, predviđeno je da u projektu učestvuju i omladinski centri koji imaju kapacitet za realizaciju “Petofaznog modela profesionalne orijentacije”.

U ovom programu učestvovali su i volonteri Udruženja KULT Gradačac koji su završili kompletan seminar i dobili certifikat, a naš omladinski centar u svoju ponudu je uvrstio još jednu novu uslugu za mlade završnih razreda osnovne škole.

Cilj projekta je da učenici završnih razreda osnovne škole spoznaju svoje sklonosti i sposobnosti, dobiju dovoljno informacija o perspektivama u zapošljavanju i o ponudama stručnog obrazovanja i na taj način donesu ispravnu odluku o daljem školovanju.



### • Štedi energiju – sačuvaj klimu i novac

Centar za razvoj i podršku iz Tuzle u partnerstvu sa Centrom za životnu sredinu iz Banja Luke, 21. septembra 2011. godine, održao radionica za predstavnike opštinskih službi i nevladinog sektora iz Gradačca. Na radionici su učestvovali i predstavnici Udruženja KULT Gradačac koji su prošli obuku i ojačali tehničke i organizacione kapacitete, znanje i vještine da ugrade potrebu za štednjom energije u lokalne političke programe i zagovaraju za uspostavljanjem institucionalnih politika o energetskej efikasnosti i korištenju obnovljivih izvora energije i planova na općinskom nivou.



Tema ove radionice je bila " Energetska efikasnost u zgradarstvu, toplinska zaštita zgrada". Cilj radionice je upoznati učesnike sa osnovnim načelima energetske efikasnosti i mogućnostima primjene obnovljivih izvora energije u Bosni i Hercegovini. U mjesecu septembru 2011.god. planiraju se održati još dvije radionice. Radionice su organizovane u sklopu projekta "Štedi energiju - sačuvaj klimu i novac" koji finansira Evropska unija kroz program Evropski instrument za demokratizaciju i ljudska prava.

### • Udruženje KULT Gradačac obilježilo Svjetski dan kontracepcije

Svjetski dan kontracepcije obilježen je u sklopu projekta "Moja prava, moja odluka", koji provode Deutsche Gesellschaft für Internationale Zusammenarbeit (GIZ) GmbH i Bayer HealthCare kroz javno-privatno partnerstvo u saradnji sa lokalnim omladinskim centrima. Ova kampanja podrazumijeva niz aktivnosti, između ostalih, postavljanje info pultova na centralnim mjestima u Banjoj Luci, Bihaću, Bijeljini, Brčkom, Doboju, Gračanici, Gradačcu, Ilidži, Istočnoj Ilidži, Laktašima, Milićima, općini Novi Grad Sarajevo, Prijedoru, Tešnju, Tuzli, Velikoj Kladaši, Vlasenici i Zvorniku.



Volonteri **Udruženja KULT Gradačac** postavili su Info pult na **Aleji ispred gradskog kina**, a aktivisti su razgovorom s posjetiocima i dijeljenjem informativnog materijala nastojali skrenuti pažnju na važnost reproduktivnog zdravlja i prava mladih u dobi između 14 i 26 godina.

U cilju informiranja mladih o reproduktivnom i seksualnom zdravlju, u sklopu kampanje pokrenuta je i web stranica [www.kontracepcija.ba](http://www.kontracepcija.ba) koja nudi sve informacije o zaštiti zdravlja, prevenciji neželjene trudnoće kao i sve odgovore o rizičnim seksualnim odnosima.

Moto kampanje za 2011. godinu je: **Živi** svoj život **Upoznaj** svoja prava **Saznaj** o kontracepciji.



„**Moja prava, moja odluka**“ je projekat podizanja svijesti o reproduktivnom zdravlju i pravima mladih u dobi između 14 i 26 godina starosti, a u sklopu projekta biće obuhvaćene i druge teme važne za zdravlje mladih ljudi, kao što su prevencija ovisnosti o alkoholu i cigaretama, prevencija nasilja te zdrava prehrana, a u cilju donošenja zdravih i pravilnih odluka. Projekat "Moja prava, moja odluka" promovise zdrav stil života.



**UDRUŽENJE IPAK - MLADOST GRADI BUDUĆNOST**  
**PROJEKTNI URED: Patriotske lige 10, 75000 Tuzla, BiH**  
**Tel./fax: 035 257 474, Telefon: 035 257 097**  
**E-mail: ipak\_tuzla@bih.net.ba,**  
**www.ipak-mgb.ba, www.mladiuakciji.ba**

#### • **Trening na temu «Nenasilna razrada konflikta»**

10. i 11. septembra u IOC IPAK-SHL u Križevićima kod Zvornika održan je trening Nenasilne komunikacije na kojem su ovaj put odrađene teme kroz koje su učesnici izražavali svoje lične identitete (pozitivne i negativne); kroz razgovor, diskusije, pravljenje panoa (isječcima iz novina, crtanjem), pravljenjem figurica od gline i plastelina, te na druge načine. Učesnika je bilo 20 što studenata što učenika srednjih škola.

Obzirom da se radilo o grupi koja već dugo radi zajedno i saraduje, ovo je bio logični proces zaokruživanja edukacijskog procesa grupe.



Pored učesnika koji su do sada radili zajedno na radionicama bila je prisutna i volonterka IPAK-a Leni Muller iz Njemačke.

Do kraja tekuće godine planirana je realizacija još 4 ovakva treninga.

#### • **Početak realizacije projekta «CONTROL-V, PASTE»**



U narednih godinu dana Udruženje IPAK-MGB će realizirati projekt političke participacije mladih u vidu pripreme za lokalne izbore u 2012.godini.

Cilj projekta je upoznati mlade ljude sa mehanizmima donošenja odluka na lokalnom nivou, ali isto tako ih motivisati za učešće na lokalnim izborima.

Projekt će biti realiziran u općinama Tuzla, Vlasenica, Bratunac, Zvornik i Srebrenica.

Mladi učesnici će imati priliku da se upoznaju sa metodama monitoringa rada lokalnih vlasti i mehanizmima uticaja na implementaciju donešenih zakona, strategija, politika i dr.

Učesnici projekta će također jedan period pratiti i evaluirati implementaciju strategija za mlade u navedenim općinama. Rezultate ovih istraživanja prezentiraće na završnoj konferenciji projekta. Učesnici projekta su mladi aktivisti/kinje članice Regionalne omladinske mreže za lokalni razvoj.

Projekt je podržan od strane Balkan Trust for Democracy.

## • **Trening za pisanje projekata «Mladi u akciji»**

Nakon ljetne pauze i godišnjih odmora ponovo organiziramo treninge za pisanje projekata za program «Mladi u akciji».

Krajem oktobra će biti realiziran trening u Bihaću. Vrijeme i mjesto ove obuke će biti objavljeni u narednom periodu.



Program „Mladi u akciji“ je najveći program namijenjen mladima cijele Europe koji će se realizovati od 1. januara 2007. do 31. decembra 2013. godine. Ukupan budžet programa iznosi 885 miliona eura.

Program „Mladi u akciji“ podstiče angažovanje mladih sa uskraćenim prilikama i obuhvata mlade u dobi od 13 do 30 godina. Program „Mladi u akciji“ nudi mogućnost mladima da postignu mobilnost i aktivno učestvuju u izgradnji Evrope.

Cilj je doprinijeti izgradnji “Evrope znanja” i stvoriti evropsku arenu za saradnju na razvoju politike za mlade, na osnovu neformalnog obrazovanja. Tu se podstiče koncept doživotnog učenja i razvoj vještina i sposobnosti, čime se promoviše aktivno građansko učešće.

## • **Realizacija drugog ciklusa projekta «Stariji brat – Starija sestra»**



Nakon uspješne realizacije pilot faze projekta, Udruženje IPAK-MGB u saradnji sa Centrom za socijalni rad i Domom za djecu bez roditeljskog staranja u narednih godinu dana realizira drugi ciklus projekta socijalne inkluzije djece i mladih iz Tuzle.

Projektom Stariji brat, starija sestra obuhvatićemo 17 ranjive djece koje pripadaju socijalno ugroženoj kategoriji koji će se kroz volonterski angažman mladih kontinuirano družiti i ostvariti povjerljiv odnos.

U projektu povezujemo djecu osnovnoškolskog uzrasta između 8 i 14 godina sa jednom „starijom sestrom“ ili jednim „starijim bratom“, tj. sa jednim volonterom, studentom. Kroz sedmično druženje para, dijete dobija povjerljiv i pouzdan uzor i prijateljsku podršku kako bi moglo izgraditi socijalno prihvatljiva ponašanja, ljudske i kulturne vrijednosti kao i životne vještine neophodne za samostalan život u zajednici.

Udruženje IPAK – Mladost gradi budućnost iz Tuzle je članica Mreže Stariji brat, starija sestra BiH u okviru koje se u 6 gradova u BiH implementira projekat Stariji brat, starija sestra. Mrežu čini ukupno 8 organizacija iz cijele BiH.

Projekt je podržan od strane SDC, Švicarske razvojne agencije i privatnog donatora.



**PRONI CENTAR ZA OMLADINSKI RAZVOJ**  
**Mehmedagića 24, 76 100 Brčko Distrikt BiH**  
**Tel./Fax: 00 387 49 217 695**  
**E-mail: [pronibrco@teol.net](mailto:pronibrco@teol.net)**  
**[www.pronibrcko.ba](http://www.pronibrcko.ba)**



### **ПРОНИ Центар за омладински развој на новој локацији у Брчком**

Од 01.09.2011. године, ПРОНИ центар за омладински развој у Брчком се налази на новој локацији. Од сада нас можете пронаћи на адреси: Мехмедагића 24, 76 100 Брчко дистрикт, БиХ, Телефон/факс: +387 49 217 695; е-мејл: [pronibrco@teol.net](mailto:pronibrco@teol.net). У Бијељини смо и даље на истој адреси: Ивана Горана Ковачића 5, 76 300 Бијељина, БиХ; телефон:+387 55 213 046.



### **Волонтери ПРОНИ Брчко започели нови пројекат**

Током августа / коловоза и септембра / рујна ПРОНИ волонтери су радили припреме и започели нови пројекат који се бави заустављањем насиља међу вршњацима. Пројекат назван „Јесам ли ја човјек или?“ реализује волонтерски тим обучених волонтера са два дипломирана педагога уз финансијску подршку Фонда за омладинске пројекте – ФОП, СХЛ Сарајево. Пројекат ће поред анкетирања ученика и ученица свих средњих школа, радионица за ученике и ученице трећих разреда садржавати и промоцију рада сваке школе кроз тзв. Сајам ненасиља.

Волонтери су започели са активношћу промовисања пројекта по средњим школама у Брчко дистрикту и наишли на одличан одзив директора и педагога.



### **ПРОНИ послао двоје младих у Норвешку на годину дана**

Дијана Одобашевић из Бања Луке и Дејан Чабрило из Бијељине ће провести годину дана волонтирајући у Норвешкој заједно са младима из Италије.

ПРОНИ је као акредитирана организација за Европски волонтерски сервис, партнер на пројекту који се спроводи у Трондхеиму-Норвешка, гдје ће група од 4(четворо) младих волонтирати годину дана.

Двоје младих волонтера из Босне и Херцеговине су Дијана Одобасевић, волонтерка и активиста организације Здраво да сте, Омладински центар из Бања Луке и Дејан Чабрило, предсједник и активиста организације Форум младих из Бијељине.



### **YOUth Zone наставио са радом**

Након љетње паузе, једина радио емисија за младе у Брчком је настављена са емитовањем. Од септембра, емисија има нове водитеље, јер су досадашњи започели студије ван Босне и Херцеговине.

ПРОНИ Центар за омладински развој у сарадњи са Радио Брчко дистриктом, БиХ реализује радио емисију за младе под називом YOUth Zone. YOUth Zone је мјесто на коме млади могу да сазнају многе важне и занимљиве информације о путовањима, камповима, семинарима, пројектима младих у Брчком и околини, као и многим другим догађајима; гдје и када их млади могу посјетити те рећи шта желе и питати шта их интересује.

СЛОГАН емисије је Слушај, Питај, Сазнај... Емисија се емитује сваке недјеље од 20 до 22 часа.

Па, слушајте нас!!! <http://radio-brcko.co.ba/brcko>



### ПРОНИ еколози

Доказ да ПРОНИ Центар ради на развијању еколошких програма и пројеката, је и тај да ПРОНИ волонтери узимају активно учешће у обукама за младе лидере у области екологије.

ПРОНИ волонтерка, Јелена Савић се укључила у програм обуке који организује еколошка организација "Еко пут" из Бијељине.

Циљ ове обуке је да се обуче млади лидери у својим заједницама о битности и значају јачања еколошких пројеката и програма, те да кроз заједничке иницијативе и програме раде на очувању животне средине.



### Пројекат „Хуманост на дјелу“

Пројекат "Хуманост на дјелу" који имплементира ПРОНИ Центар у сарадњи са Општином Бијељина, је у току друге фазе своје реализације.

Волонтерке ПРОНИ Центра Станислава Митровић и Сандра Вукелјић су током септембра радиле са дјецом са посебним потребама у Центру за Социјални рад у Бијељини, гдје су два пута седмично одлазиле у Центар за социјални рад и својим креативним радионицама попуњавали дневни боравак ових малишана у Центру.

Један од циљева пројекта је и већа инклузија дјете са посебним потребама у друштво, те да се свим младима пруже једнаке могућности. Сарадња ПРОНИ Центра и Центра за социјални рад у Бијељини је настављена и кроз овај пројекат, и пројекат "Хуманост на дјелу" још једном показује да је хуманост ПРОНИ волонтера испред свега.



### ПРОНИ Центар у Бијељини подржан за још један пројекат



ПРОНИ Центар за омладински развој је у септембру свечано потписао уговор са представницима Општине Бијељина, за реализацију пројекта „Заједно за љепши град“.

Овај пројекат се реализује у склопу УНДП-овог пројекта „Јачање локалне демократије/демократије II“ - ЛОД II којег финансира Европска Унија. Пројекат „Заједно за љепши град“ има за циљ обнову и реконструкцију 3 локације / зелене површине у Бијељини, на коме би се градила дјечија игралишта и садило зеленило у циљу промовисања здраве животне средине.

Пројекат ће трајати 6 мјесеци и то од августа 2011. године до фебруара 2012. године.



## NGG POKRET MLADIH „VOLONTERI & PRIJATELJI KONJICA“

Civilnih žrtava rata 3, 88400 Konjic

Tel.: 036 730 688, 061 610 127

E-mail: [adismuhibic@gmail.com](mailto:adismuhibic@gmail.com)

Web : <http://volonteriprijateljikonjica.blogger.ba/>

<https://sites.google.com/site/nggvipk/home>

<http://www.facebook.com/groups/220690771277915/>

*Mladi aktivisti NGG VIPK ovaj mjesec prodrnali su grad Konjic svojim aktivizmom i volonterskim radom, koji je nizom pozitivnih događaja ušao u lijepu jesen. Krenimo redom...*

### • OKONČANA AKCIJA UDRUŽENIH SNAGA VOLONTERA KONJICA I UN-a

**20. septembra 2011.** godine u ranim prijepodnevnim satima u naselju Trešanica u Konjicu svečanom ceremonijom obilježen je kraj akcije "Ljepša okolina-ugodniji život", koju su aktivisti NGG Volonteri i prijatelji Konjica realizovali u periodu od 3. do 20. septembra 2011. godine. Uz podršku programa volontera UN-a i nesebičnu saradnju sa građanima MZ Trešanica i MZ Kolonija volonteri naše grupe pokrenuli su preko 100 građana koji su u svojim kvartovima učinili hvale vrijedna djela. Tako je pored čišćenja parka i oslikavanja zida na zgradi bh. pošte, u šestosatnoj eko-akciji očišćena i kotlovnica i širi prsten oko solitera u Konjicu. Učesnicima akcije u naselju Kolonija direktnu pomoć u čišćenju bivše kotlovnice i logističku podršku u alatima dali su i vrijedni radnici firme JKP Standard, koji su dan ranije, na osnovu iznenadnog poziva načelnika općine Konjic, generalno očistili ogromne količine otpada. Na taj način, i mi građani i lokalna vlast smo odgovorno pokazali da možemo raditi zajedničke akcije usmjerene za dobrobit svih stanovnika. Značajnu podršku našoj grupi pružili su radnici firme Invest-group, karatisti kluba Igman i novinarka radio Konjica. Umjetničku sliku koja ostaje trajno da uljepšava i unosi vedrinu u betonski prostor između stambenih blokova ovog kvarta, kreirali su polaznici Likovne škole „Zuko i Lazo“ na čelu sa prof. Vedatom Mujakom i pored Kamene ćuprije ovo je najljepša slika Konjica. Pored svih ovih radova formirali smo i redakciju za pripremu biltena o 5-godišnjem aktivizmu i volonterizmu naše grupe, što također finansira program volontera UN-a, a urednik je Mirsad Čukle.



### • NA ZATVARANJU BIJENALA NAGRAĐENI VOLONTERI KONJICA

Prvo Bijenale savremene umjetnosti D-0 ARK Underground – "Time Machine" – No Network! zvanično je zatvoreno **27.9.2011.** godine, s tim da umjetnička postavka ostaje u Objektu D-0 u Konjicu, a organizatori kreću u pripremu sljedećeg ciklusa. Od otvaranja Bijenala, prije četiri mjeseca, kroz Titovu Atomska ratnu komandu (ARK) prošlo je oko 10.000 ljubitelja savremene umjetnosti i onih koje je radoznalost dovela u Konjic da pogledaju nekada najveću i najstrožije čuvanu vojnu tajnu bivše države. Općina Konjic prihvatila je realizaciju projekta kao jednu od razvojnih mogućnosti, a Turistička zajednica uspješno je organizirala grupne posjete Bijenalu tokom protekla četiri mjeseca. Volonteri Konjica pomogli su organizatorima Bijenala u kritičnim danima pred otvaranje ovog Kulturnog događaja Europe i danas su zasluženo preuzeli zahvalnice od organizatora.

## • MLADI PIŠU NOVU HISTORIJU KONJICA – NGG VIPK DOBITNICI PRIZNANJA „GRAD MLADOSTI 2011“

U okviru projekta „Grad mladosti“ kojeg je po prvi put na teritoriji Bosne i Hercegovine početkom augusta ove godine pokrenuo i promovirao tuzlanski Građanski Edukativni Centar (GEC), te nakon jednomjesečnog perioda nominacija organizator je ovu laskavu titulu odlučio dodjeliti neformalnoj grupi građana „Volonteri i prijatelji Konjica“ (NGG VIPK) iz Konjica.



*„Grupa NGG VIPK je nešto najljepše što se desilo u Konjicu. Radi se o mladim ljudima koji svojim buđenjem i aktivnostima pišu novu historiju Konjica. Aktivnosti naše grupe traju preko 5 godina. Kao lider grupe koja u svom sastavu pored 20 članova Glavnog odbora broji i preko 150 ostalih članova i aktivista zaista sam ponosan da je nagrada stigla u naš grad. Niz djela koja su napravili aktivisti naše grupe za cijeli grad Konjic, apsolutno svjedoče o tome. Kroz sve ove projekte u Konjicu se stvara kritična masa ljudi koji počinju da misle svojom glavom i da jasno artikuliraju svoj stav na sve ono što remeti ambijent ugodnog življenja ili čini nepremostive poteškoće za normalan život,“* rekao je Adis Muhibić, glavni koordinator NGG VIPK.

## • AKTIVISTI NGG VIPK PODRŽALI PROTEST UPOSLENIKA BOLNICE KONJIC

U ranim jutarnjim satima, **19.9.2011.** godine Tim za podršku NGG VIPK izašao je sa državnom zastavom BiH na Trg državnosti u centru Konjica i pridružio se sindikatu i grupi od oko 100 radnika bolnice u Konjicu, koji su odlučili da blokadom saobraćajnice kod Novog mosta na putu M17 još jednom skrenu pažnju javnosti na nagomilane probleme koji opterećuju normalan rad i funkcionisanje bolnice.

## • KONAČNO LIJEPE VIJESTI ZA PLAVČIĆE

U općini Konjic **29.9.2011.** godine otvorene su koverta sa ponudama za kupovinu zemljišta na lokaciji u Čelebićima. Tom prilikom Munevera Plavčić, samohrana majka 7 djece, o kojoj volonteri naše grupe već dvije godine vode brigu, proglašena je za pobjednika tendera. Neizmjereno smo sretni, jer za ovu hrabru majku i njene mališane idu ljepši dani i obećavamo beskompromisni nastavak podrške djeci Plavčić.

## • NGG VIPK OJAČANI I AKADEMSKIM ZVANJEM LIDERA SEADA BALJETE

Na Fakultetu ekonomskih nauka u Sarajevu, **30.9.2011.** godine Sead Baljeta, pomoćnik glavnog koordinatora NGG Volonteri i prijatelji Konjica nakon uspješne odbrane rada na temu „Obrazovni sektor u Bosni i Hercegovini“, promovisan je u akademsko zvanje BA (Bachelor of Arts) ekonomije. U svom sastavu NGG VIPK Konjic ima oko 60% fakultetski visokoobrazovanih mladih ljudi i ta činjenica predstavlja jednu od najsnažnijih poluga ove grupe koja stvara djela i rezultate za ponos građanima Konjica.

## • ODRŽANA 17. SJEDNICA GLAVNOG ODBORA NGG VIPK

Sedamnaesta redovna sjednica Glavnog odbora NGG Volonteri i prijatelji Konjica, održana je **25. septembra 2011.** godine i istoj su prisustvovala 22 člana grupe. Donesene su određene odluke i zaključci, izvršena evaluacija projekta „Ljepša okolina-ugodniji život“. Zbog naročitog zalaganja i aktivizma Elvire Ćosić, Almedine Kašić i Edina Košpe, isti su unaprijeđeni u sastav Glavnog odbora NGG VIPK, koji sada broji 20 mladih ljudi grada Konjica.



## INSTITUT ZA RAZVOJ MLADIH - KULT

Centralni ured Sarajevo (CUS)

Banjska ul. 2, 71 210 Ilidža, Sarajevo

E-mail: [kult@mladi.org](mailto:kult@mladi.org), [www.mladi.org](http://www.mladi.org)

Tel./fax: 033/637 290, 033 621 351

### • Promocija mladih snaga, omladinskih lidera/ki Bosne i Hercegovine: Valentin Inzko dao podršku novoj generaciji UMiD-a

U organizaciji Instituta za razvoj mladih KULT, koji provodi jednogodišnji program obuke UMiD - *Uči, misli i djeluj*, danas je u Sarajevu promovirana nova generacija omladinskih lidera/ki, kojoj je, između ostalih gostiju, prisustvovao i Visoki predstavnik u BiH gosp. Valentin Inzko. Na svečanoj promociji su se obratili gosp. Valentin Inzko, Visoki predstavnik, gđa Natalia Dianiskova ispred Evropske komisije, Zakira Šero ispred Općine Centar, te načelnik Općine Gračanica gosp. Nusret Helić.



U okviru svečane promocije održane su i panel diskusije o temama *Primjena Zakona o mladima i Održivost omladinskog nevladinog sektora*. Panelisti su bili Bojan Grebenar, Mirza Ustamujić, Haris Halihodžić, Faruk Pršeš, Rusmir Pobrić i Katarina Vučković. Moderatorica svečane promocije bila je Duška Jurišić, a panel diskusijama je moderirala Ena Omeragić. Projekt *Učešće mladih u strateškom razvoju lokalnih zajednica*, u okviru kojeg se provodila obuka UMiD, finansirale su Evropska unija i općine uključene u projekt.

### • Promocija knjige Vodič kroz Zakon o mladima FBiH

U zgradi Evropske komisije u BiH održana je promocija knjige *Vodič kroz Zakon o mladima FBiH*, čiji su autori uposlenici KULTA. Iako je Zakon o omladinskom organizovanju Republike Srpske (ZoOORS-a) usvojen krajem 2004. g., a Zakon o mladima FBiH (ZoMFBiH-a) sredinom 2010. g., teško je reći da su oni umnogome promijenili položaj mladih ljudi u BiH nabolje. Upravo je to povod za objavljivanje Vodiča kroz Zakon o mladima FBiH kojim želimo doprinijeti njegovom učinkovitijem provođenju i razumijevanju kroz tumačenje pojedinačnih zakonskih odredaba.



Knjigu u pdf-formatu možete preuzeti sa stranice [www.mladi.org](http://www.mladi.org).

### • KOŠNICA bosanskih pčelica zujala po Kölnu

Predviđeno je da šestodnevnom studijskim putovanjem KOŠNICA nagradi 18 najaktivnijih i najvrjednijih polaznica obuke. Odredište je Njemačka, jer je ona zemlja gdje ravnopravnost spolova predstavlja integrirani dio provođenja politike prema mladima na svim nivoima vlasti. Program studijske posjete smišljen je tako da učesnice prođu kroz određene treninge, tematske radionice i posjete lokacija značajnih za njihov rad i borbu za ženska prava.



Raznovrstan program studijskog putovanja omogućio je djevojkama upoznavanje sa sistemom, institucionalnim mehanizmima i uređenjima prema kojima funkcioniše ured za mlade, djecu i porodicu grada Kelna. Četiri učesnice projekta KOŠNICA svojim projektnim aktivnostima sakupile su dovoljan broj bodova Volonterskim dnevnicima i uspješno pristupile pismenom i usmenom ispitu UMiD-a.

### • Prvi rezultati istraživanja „Kako se rasipao budžetski novac za mlade“

Prvi rezultati Analize revizorskih izvještaja entitetskih ministarstava nadležnih za mlade, za period 2008.-2010. g. a u vezi s utroškom budžetskih sredstava namijenjenih mladima, otkrivaju poražavajuće činjenice:

1. sredstva za mlade dijeljena su neplanski, bez preciznih programa za mlade, uglavnom u formi besciljnih grantova;
2. dijeljena su netransparentno, najčešće bez raspisivanja javnih poziva i bez objektivnih i mjerljivih kriterija;
3. dijeljena su i organizacijama koje nisu omladinske i projektima koji ničim nisu poboljšali položaj mladih;
4. pri podjeli novca favorizirana su pojedina udruženja bez ikakvog pokrića, koja čak nisu ni omladinska, a neka od njih osnivala su se neto pred planiranje budžeta;
5. nije proveden adekvatan nadzor nad utroškom sredstava, iako su postojala tijela pri ministarstvima odgovorna za taj zadatak;
6. nisu sankcionirani korisnici grantova koji nisu opravdali dodijeljena sredstva;
7. nikada nije izvršena procjena učinka izdvojenih sredstava namijenjenih mladima.

### • Počinje obuka UMID 7

U okviru projekta *Jednake mogućnosti za sve mlade!* održat će se obuka omladinskih lidera/ki UMID - *Uči, misli i djeluj!* UMID, 7. generacija. Ovu generaciju UMID-a čine mladi iz Bosne i Hercegovine, Srbije i Hrvatske. Odabrani mladi iz 12 lokalnih zajednica učesnica u projektu svoje druženje započinju u Novom Sadu, gdje će se u toku septembra održati prvi modul obuke. Obuka se nastavlja u oktobru, u Hrvatskoj. Završni modul bit će u Sarajevu, gdje će mladima biti uručeni i certifikati.



### • Sanjaš? Istraži svoje snove!

Voljom učesnika/ca savjetovanja koje se jednom mjesečno održava u Obrazovno-raznodnom centru za mlade SPAJALICA, tema trećeg susreta održanog u septembru bila je *Sanjaš? Istraži svoje snove!* Pored razgovora o snovima, odnosa mladih prema ovoj pojavi i pogleda psihologa na snove, mladi su imali priliku govoriti o ličnim strahovima, životnim gubicima i drugim zanimljivim temama. Za naredne susrete mladi su iskazali interes za temu *Odnos i komunikacija sa roditeljima*, s posebnim osvrtom na njihovo odrastanje i osamostaljivanje. Ukoliko imaš pitanja, nedoumica ili problema koje ne možeš podijeliti s vršnjacima ili roditeljima, odgovore možeš potražiti lično na savjetovanju ili mejlom [savjetovanje@kultbih.org](mailto:savjetovanje@kultbih.org). Aktivnost se provodi u okviru Strategije za mlade općine Iliđa.

### • Zajedničkim iskustvima do rezultata!

U prostorijama UN-a u Sarajevu, 9. septembra 2011. g., je održan sastanak predstavnika/ca nevladinih organizacija i agencija UNFPA, UNWOMEN i UNV. Prvi sastanak radne grupe za izradu vršnjačke metodologije u cilju prevencije rodno uvjetovanog nasilja rezultirao je upoznavanjem s postojećim stanjem o ovoj temi kao i dosadašnjim aktivnostima organizacija na njenom rješavanju.

### • U Srebrenici održana obuka radnih grupa

U prostorijama Opštine Srebrenica održana je jednodnevna obuka radnih grupa za izradu dokumenta strategija prema mladima. Pod strategijom prema mladima podrazumijeva se razvoj dugoročnih planova koji će dovesti do rješenja složenih zadataka pomoći mladima: kvantitativna i kvalitativna analiza stanja i potreba, analiza društvenog prostora i ciljne grupe, kritičko vrjednovanje trenutne situacije, konkretni prijedlozi za poboljšanje ponude za mlade, postavljanje prioriteta kao i evaluacija.



- **U Istočnom Sarajevu obilježen Međunarodni dan pismenosti**



Svjetska konferencija ministara obrazovanja o temi *Iskorjenjivanje nepismenosti* održana je 8. septembra 1966. g. u Teheranu. Tada je donesen zaključak da se 8. 9. proglasi Međunarodnim danom pismenosti. Svake godine na lokalnom i nacionalnom nivou širom svijeta organiziraju se događaji koji ističu važnost pismenosti i opismenjivanja. Matična biblioteka Istočno Sarajevo obilježila je ovaj značajni datum pod sloganom *Pismenost za mir*. U okviru obilježavanja Međunarodnog dana pismenosti 2011. g., uz podršku Instituta za razvoj mladih KULT, Matična biblioteka Istočno

Sarajevo otvorila je izložbu dječije radosti, koja je prodajnoga karaktera. Prikupljena sredstva bit će utrošena za nabavku knjiga Dječijem odjeljenju.

- **Vijeća mladih: Osam modula obuke za uspostavljanje vijeća mladih**

Prvi modul obuke pod nazivom *Institucionalno pozicioniranje omladinskih udruženja i legislativa koja se tiče mladih i udruženja* održan je u Vlasenici od 22. do 24. septembra 2011. g. Obuci su prisustvovali predstavnici/e omladinskih udruženja uključenih u projekt uspostavljanja vijeća mladih. Tokom obuke učesnici/e su učili o temama: pojam omladinskog sektora i njegova podjela na vladin i nevladin, zakoni i politike koji se odnose na mlade u BiH, Zakon o mladima FBiH (ZoMFBiH) u poređenju sa Zakonom o omladinskom organizovanju Republike Srpske (ZoOORS), pozicioniranje omladinskog sektora, građanski aktivizam, zakonske mogućnosti registracije udruženja kroz pojašnjenje Zakona o udruženjima i fondacijama, te ZoMFBiH i ZoOORS.



Program obuke održava se u okviru projekta *Institucionalni dijalog između mladih i vlasti kroz osnivanje vijeća mladih*. *Omladinski savjeti – nekad, sad i u budućnosti* bila je tema prvog modula za drugu grupu održanog za predstavnike/ce omladinskih savjeta uključenih u projekt uspostavljanja vijeća mladih iz RS-a. Program obuke se održava u okviru projekta *Institucionalni dijalog između mladih i vlasti kroz osnivanje vijeća mladih* s ciljem izgradnje i osnaživanja ljudskih resursa za stručno i održivo upravljanje omladinskim savjetima, te institucionalno rješavanje problema mladih.

- **Novi sporazumi za vijeća mladih: Istočna Hercegovina se uključuje u dijalog mladih i vlasti**



*Institut za razvoj mladih KULT* potpisao je sporazum o saradnji s Omladinskim savjetom Istočne Hercegovine. Savjet obuhvata sedam općina: Berkovići, Ljubinje, Trebinje, Bileća, Gacko, Istočni Mostar i Nevesinje. Saradnja omladinskih savjeta i nosioca projekta ogleda se u stvaranju sredine koja je usmjerena poboljšanju položaja mladih, u kojoj mladi mogu sudjelovati u procesima odlučivanja. Na taj način se odgovorno uključuju u stvaranje bolje budućnosti u svojoj zajednici, ali i na višim nivoima. Projekt *Institucionalni dijalog između mladih i vlasti kroz osnivanje vijeća mladih* provodi Institut za razvoj mladih KULT u

saradnji s Demokratskom organizacijom mladih Velika Kladaša, udruženjem PRONI iz Brčkog, Omladinskim savjetom Vlasenica, te KULTOM Gradačac uz podršku Evropske unije.

**UDRUŽENJE „GRAĐANSKI EDUKATIVNI CENTAR“ TUZLA**

Kaldrma 2, 75 000 Tuzla

Tel.: 063 237 134

E-mail: [gec@gec.ba](mailto:gec@gec.ba)Web: [www.gec.ba](http://www.gec.ba)

- **GEC dodjelio priznanje „Grad mladosti“ NGG VIPK iz Konjic**



U okviru projekta „Grad mladosti“ kojeg je početkom augusta tekuće 2011. godine pokrenuo i promovirao tuzlanski Građanski Edukativni Centar (GEC) te nakon jednomjesečnog perioda nominacija organizator je ovu laskavu titulu odlučio dodijeliti NGG VIPK iz Konjica.

Za web portal [www.gec.ba](http://www.gec.ba) prof. Emir Vildić izvršni direktor GEC-a rekao je: – „Obzirom na broj prispjelih prijava a u skladu s propozicijama ove godine odlučili smo da priznanje „Grad mladosti“ dodijelimo samo u III kategoriji odnosno da nagradimo NGG VIPK iz Konjica i njihov dosadašnji angažman u lokalnoj zajednici a koji

za krajnji cilj ima unapređenje saradnje lokalne samouprave i mladih.“

Na adresu GEC-a pristigao je relativno manji broj nominacija nego što je očekivano i uglavnom su se odnosile na I kategoriju no zbog neispunjavanja uslova konkursa iste nisu razmatrane, istakli su u GEC-u.

Podsjetimo nominacije za priznanje „Grad mladosti“ trajale su od 8. augusta do 8. septembra tekuće 2011. godine u III kategorije i to: 1. Nagrada za lokalnu samoupravu za ukupan doprinos unapređenju položaja mladih u lokalnoj zajednici; 2. Nagrada za lokalnu samoupravu za dodijeljeni javni prostor mladima u lokalnoj zajednici; 3. Nagrada za lokalnu omladinsku organizaciju, neformalnu grupu ili inicijativu za doprinos unapređenju saradnje između lokalne samouprave i mladih;

- **Diskriminacija, nepotizam, korupcija i mobing glavne su odlike izbora nastavnika u TK**

Građanski Edukativni Centar (GEC) kao nacionalna organizacija koja se bavi svim vidovima odgojno-obrazovnih i informativnih djelatnosti, po prvi put na teritoriji BiH odnosno na području TK pokrenuo je kampanju pod nazivom „Gledamo Vas“. Primarni cilj GEC-a u okviru monitoringa odnosno kampanje „Gledamo Vas“ je što uspješnija implementacija zakona, nastavnih planova i programa kao i pedagoških standarda u ustanovama odgoja i obrazovanja na području TK a ogleda se kroz identificiranje problema u implementaciji, reagovanjem na uočene probleme i istupom pred relevantnim institucijama vlasti i javnosti. Sekundarni cilj je svakako pozitivna kritika nadležnim uz stalno naglašavanje odgovornosti. Građanski edukativni centar (GEC) je kroz proces monitoringa uočio probleme nastale kao posljedica neodgovarajućeg zakonskog okvira, nedosljednu primjenu već usvojenih zakona ali i nesavjesnog rada pojedinih uprava škola na području TK. Diskriminacija, nepotizam, korupcija i mobing glavne su odlike izbora nastavnika i profesora u TK uočene u okviru kampanje GLEDAMO VAS. Cjelokupan izvještaj možete pogledati na GEC portalu ([gec.ba](http://gec.ba)).



## • Počeo novi ciklus audicija MEP AVISTA

U organizaciji “Građanskog edukativnog centra” (GEC) i implementaciji Škole muzičkih umjetnosti 12. septembra tekuće 2011. godine zvanično je počeo novi selektivni ciklus za prijem kandidata na muzički edukativni program AVISTA.

“MEP Avista” (muzički edukativni program) je dizajniran da polaznicima u roku od deset mjeseci omogući najosnovnije muzičko obrazovanje, izgradi dobre muzičke temelje za eventualno daljnje muzičko školovanje i usavršavanje. Ciljna grupa programa su djeca u dobi od šest do 12 godina s područja općine Tuzla. Učenici imaju priliku pohađati odsjeke za horsko pjevanje kao i dva instrumentalna odjela za harmoniku i klavir.

MEP Avista je koncipiran baš na taj način da polaznicima omogući da na relaksirajući način bez straha od neuspjeha i negativnih ocjena završe započeti program. Program podstiče, usmjerava i ohrabruje učenike za radom i istraživanjem u oblasti muzike a na kraju dobijaju i certifikat – nešto na šta će biti veoma ponosni.



## • PREDNOSTI PROGRAMA „A VISTA“

- Program urađen prema EU standardima muzičkog obrazovanja.
- Idealna mogućnost pripremanja učenika.
- Individulani rad s verifikovanim i stručnim nastavnicima.
- Certifikat / Uvjerenje / Diploma o završenom programu.
- Mogućnost nastavka školovanja i muzičkog usavršavanja.

Po završetku programa polaznik dobija certifikat / diplomu o završenom stupnju obrazovanja na bosanskom i engleskom jeziku. Kandidat za audiciju treba da pripreme i otpjevaju dvije pjesmice ispred stručne komisije za ocjenu sluha i ritmičkih sposobnosti koja i donosi odluku o prijemu. Roditelji sve dodatne informacije mogu dobiti na web portalu GEC-a [www.gec.ba](http://www.gec.ba) ili u prostorijama organizacije.

**NVO MDD - Muslimansko dobrotvorno društvo - Merhamet Dobo**

**Kralja Aleksandra 17, 74 000 Dobo**

**Tel.: 053 226 886**

**E-mail: merhamet.doboj@cutuk.net**

**Web: www.ngo.ba**

• **AKTIVNOSTI H.O. „MERHAMET- A“ DOBOJ ZA MJESEC SEPTEMBAR**

Obimne su aktivnosti H.O. „Merhamet- a“ Dobo. Svakodnevne aktivnosti su:

- Evidentiranje članova
- Stvaranje baze podataka
- Pružanje informacija i uputa socijalno ugroženim i starim osobama
- Fotokopiranje
- Pružanje zdravstvenih usluga
- Pomoć u kući starim i bolesnim osobama koje žive same.



H.O. „Merhamet“ Dobo obradovao djecu raspodjelom školskog pribora.



Predsjednica „Merhamet- a“ Dobo Faketa Avdić prisustovala sastanku opštinskog tima za izradu revidiranog strateškog plana za socijalno ugrožene kategorije.



Aktivisti „Merhamet- a“ Dobo prisustovali manifestaciji „Dan mira“ održanoj u Derventi gdje su imali svoj štand sa promotivnim materijalom.



Predsjednica „Merhamet- a“ Dobo prisustovala okruglom stolu UN konvencija o pravima osoba sa invaliditetom.

## NOVI ČLANOVI



### UDRUŽENJE ZA AFIRMACIJU INFORMATIČKE PISMENOSTI „INPUT“

Prof. Mustafe Čauševića b.b., 72 000 Zenica

Tel./fax: 061 766 532

E-mail: [input.ze@live.com](mailto:input.ze@live.com)

Web: [www.input.tech.ba](http://www.input.tech.ba)

#### • GLAVNI PROGRAMSKI CILJEVI:

Udruženje "INPUT" je osnovano u cilju promovisanja, razvoja i unapređenja informatičke pismenosti kod omladine i drugih zainteresovanih lica. Djelatnost Udruženja:

- Upoznavanje sa osnovama informacionih tehnologija,
- Edukacija članova i drugih zainteresovanih (bez obzira na starosnu dob) sa osnovnim softverskim platformama i aplikacijama kroz organiziranje kurseva, seminara, predavanja, radionica i sl.
- Saradnja sa odgojno-obrazovnim institucijama,
- Promocija informatičke pismenosti za sve generacije,
- Kreiranje okruženja (osposobljavanje informatičkih kabineta, umrežavanje računarskih sistema, tehnička podrška i sl.) u kojem će se afirmirati informatička pismenost,
- Uticanje na promjenu načina razmišljanja i navika koje se odnose na korištenje softverskih aplikacija u cilju povećanja nivoa sveukupne informatičke pismenosti,
- Poticanje talentiranih mladih ljudi da realiziraju ideje iz oblasti informatike korištenjem infrastrukture Udruženja,
- Saradnja sa drugim sličnim udruženjima.

#### • KRATAK ISTORIJAT ORGANIZACIJE:

U toku tri godine djelovanja Udruženje INPUT je ostvarilo jako puno zamišljenih ideja i projekata s obzirom na finansije. Nakon osnivanja počeli smo sa edukacijom djece iz osnovne škole 60 učenika osnovna obuka rada za računarom, nakon toga smo okupili članove i naše polaznike i sastavili računar (ručni rad) pod nazivom INPUTOMAT. U toku prve godine djelovanja INPUT-a kroz naše radionice, kurseve koji su bili zasnovani na volonterskoj bazi pohađalo je i uspješno završilo oko 200 polaznika. Obilježili smo prvu godišnjicu na veoma zanimljiv način priredbom i predstavljanjem našeg rada INPUTOMAT pred oko 100 posjetilaca.

Drugu godinu postojanja smo obilježili veoma aktivno radom sa domom za nezbrinutu djecu gdje smo vodili kurseve informatike. Radili smo u još par škola u Općini Zenica gdje smo vršili edukaciju iz oblasti informatike i uveli jednu novinu (Interaktivno učenje engleskog jezika uz računar). Radili smo par humanitarnih projekata sa nekoliko omladinskih organizacija iz Zenice. Drugu godišnjicu smo obilježili opet na jako zanimljiv način svečanom priredbom gdje su naši polaznici demonstrirali jednu vježbu sastavljanja računara i puštanja u funkciju u ograničenom vremenskom periodu. Treću godinu počeli smo sa edukacijom iz oblasti informatike, engleskog jezika i instruktivnu nastavu za djecu iz JU Dom-porodica gdje smo zabilježili jako veliki uspjeh djeci je to bilo od jako velike pomoći. Uključili smo oko 10 volontera (studenata pedagoškog fakulteta matematika-informatika, engleski jezik, socijalna pedagogija...). Trenutno imao u planu umrežavanje osnovnih škola i izradu baze podataka i još dosta zanimljivih projekata, ali smo ograničeni vremenom zbog svojih privatnih obaveza i finansija.



## OMLADINSKI POKRET „SUNCOKRET“ BOKAVIĆI

Bokavići bb, 75 300 Lukavac

Tel: 065 215 729

E-mail: [op.suncokret@gmail.com](mailto:op.suncokret@gmail.com)

Kontakt osoba: Elvir Čajić, predsjednik Skupštine udruženja

- **GLAVNI PROGRAMSKI CILJEVI:** Buđenje svijesti kod omladine, aktiviranje mladih za različite kulturne i sportske aktivnosti, učešće mladih u poboljšanju i očuvanju životne okoline, bavljenje omladine poljoprivrednim granama...

- **KRATAK ISTORIJAT ORGANIZACIJE:**

OP. SUNCOKRET je osnovan u decembru 2010. godine i kao mlada organizacija ima iza sebe dva projekta, a radimo unutar mreže i na trećem projektu kao partneri.

Članovi smo opštinskog tima udruženja koje se bave ekologijom na području opštine Lukavac i u tom cilju smo uzeli učešće u projektu „Pravo građana na zdravu životnu okolinu“ koji finansira Evropska Unija. U projektu učestvuju udruženja iz naše opštine Lukavac i udruženja iz opštine Derventa, Republika Srpska. Projekat je državnog karaktera. Prva dva projekta smo takođe posvetili ekološkom čišćenju našeg najvećeg prirodnog bogatstva jezera Modrac.

## MOST ZA POVEZIVANJE I PROMOCIJU TALENATA - „MOST 387“

Mahmuta Bušatlije Čikma 2, 71 000 Sarajevo

Tel/fax: 061 931 008, fax: 033 459 421

E-mail: [info@most387.com](mailto:info@most387.com)

Web: [www.most387.com](http://www.most387.com)



- **GLAVNI PROGRAMSKI CILJEVI:**

- promocija kulture;
- unapređenje sporta;
- promocija svih vidova zaštite mladih talenata iz BiH;
- unapređenje saradnje i međusobne pomoći među građanima, posebno mladim, na području BiH, te povezivanje sa bh dijasporom;
- sinhronizovanje djelatnosti mladih u BiH, te sinhronizovanje rada udruženja u bh dijaspori;
- medijsko predstavljanje bh talenata;
- organizovanje i djelovanje sportskih kolektiva;
- organizovanje i djelovanje kulturno-umjetničkog društva;
- organizovanje takmičenja iz oblasti kulture, nauke, sporta
- ostale aktivnosti kojima se unapređuje rad udruženja.

**MOST 387** nije još uvijek počeo sa ostvarivanjem već napisanih projekata. Zvanično startanje sa radom udruženja će biti sredinom septembra, kada planiramo uraditi niz projekata za mlade i djecu u Sarajevu i šire.

Planirano je organizovanje niz radionica i sekcija, uključujući i uličnu kampanju gdje planiramo da kroz kampanju uključimo mlade u udruženje kroz aktivno volontiranje, rad s djecom i u sekcijama.

Udruženje MOST 387 je do sada formiralo malonogometnu ekipu pod nazivom „MOST 387“ koja je osvojila treće mjesto na Sportskim igrama mladih 2011, zatim udruženje je ostvarilo saradnju sa Institutom za razvoj mladih KULT kao način podrške i promovisanja „Dan mladih“ u Iliđi. U budućnosti ćemo nastojati ostvariti saradnju i sa drugim omladinskim organizacijama širom BiH ali i dijaspore.

## INFORMACIJE / DONATORI / KONKURSI / POZIVI



**OMLADINSKA BANKA TUZLA**  
projekat Fondacije tuzlanske zajednice  
Matije Gupca 13, 75000 Tuzla  
TEL: 035 362 832  
[obt@fondacijatz.org](mailto:obt@fondacijatz.org)  
[www.omladinskabanka.org](http://www.omladinskabanka.org)



### 1. SAOPŠTENJE ZA JAVNOST

***Omladinska banka Tuzla je otvorila javni poziv za prijem projektnih prijedloga formalnih i neformalnih grupa mladih u Tuzli koji traje od 26.09. do 30.10.2011. godine***

Omladinska banka Tuzla, omladinska inicijativa Fondacije tuzlanske zajednice, 26. septembra je otvorila drugi aplikacioni krug u 2011. godini za projekte koji imaju za cilj unaprijediti uslove života mladih u Tuzli. Konkurs za prijem prijedloga projekata traje u periodu od **26. septembra do 30. oktobra 2011. godine**.

Aplikirati mogu formalne i neformalne grupe mladih u rasponu od 15 do 30 godina. Omladinska banka Tuzla daje maksimalni iznos granta do **800 KM** po projektu, kojeg će realizirati mladi za svoju zajednicu.

Predloženi projekti primarno trebaju promovisati aktivizam i volonterizam u zajednici. Ideje mladih trebaju biti usmjerene ka realizaciju aktivnosti iz oblasti ekologije, infrastrukture, kulture, prevencije nasilja, umjetnosti, obrazovanja (formalno i neformalno), sport i sportske aktivnosti, društveni sadržaji za mlade, zdravlje, promocija ljudskih i dječijih prava i informisanost mladih.

Aplikacije i sve detaljnije informacije se mogu dobiti na zvaničnoj internet prezentaciji [www.fondacijatz.org](http://www.fondacijatz.org) ili [www.omladinskabanka.org](http://www.omladinskabanka.org), u kancelariji Fondacije tuzlanske zajednice, ulica Matije Gupca 13 ili putem telefona 035/362 832. Kontakt osoba Emir Bašić, 061 832 363.

Iskreno se nadamo da ćete uzeti u obzir da informisanjem mladih ljudi i šire javnosti o mogućnostima i aktivnostima čiju realizaciju nudi i omogućava Omladinska banka Tuzla, Vi primarno doprinosite realizaciji promjena, koje mladi ljudi u Tuzli trebaju. Želja nam je, ukoliko je Vaša medijska kuća u mogućnosti, dati priliku mladim ljudima da gostuju ili da budu sagovornici u jednoj od vaših emisija te da na taj način dobijete više informacija o kriterijumima, temama i dosadašnjim realiziranim projektima u Tuzli, a koje je podržala Omladinska banka Tuzla.

### 2. Форум театар – сцена за дјецу и Завод за уџбенике и наставна средства Источно Сарајево

Расписују К О Н К У Р С: Књижевна манифестација - 10. Фестивал поезије за дјецу

Право учешћа на конкурсима имају: УЧЕНИЦИ ОСНОВНИХ И СРЕДЊИХ ШКОЛА  
**ТРИ ПЈЕСМЕ** сваког аутора са именом и презименом, називом школе и тел. контакт особе доставити до **20. октобра 2011. године на адресе:**

ЗАВОД ЗА УЏБЕНИКЕ И НАСТАВНА СРЕДСТВА,  
( Дани поезије за дјецу)  
Улица Николе Тесле 58  
71 123 Источно Сарајево  
Република Српска  
или  
ФОРУМ ТЕАТАР  
( Дани поезије за дјецу)  
Бановић Страхиње 5  
71 123 Источно Сарајево  
Република Српска

Радови се могу послати и на е маил адресу: [lut.fest@teol.net](mailto:lut.fest@teol.net)

НАЈБОЉЕ ПЈЕСМЕ СЕ НАГРАЂУЈУ (у двије категорије - млађи и старији). Специјалну награду додјељује Завод за уџбенике и наставна средства(СОВА ПЈЕСНИЧКИХ СНОВА)  
Контакт телефон:+ 387 57 317230 и +38765 514 686 - Форум театар

### 3. Muzej svjetske kulture Geteburg - The Museum of World Culture in Gothenburg

Muzej svjetske kulture iz Geteburga planira novu izložbu (u ovom momentu izložba još uvijek nema naziv)!

Izložba se odnosi na “lažnjake” i sadržiće razne vrste predmeta, originala kao i kopija, kao što su: objekti, umjetnički radovi, fotografije, multimedija i sl.

Jedna od instalacija izložbe sadržavaće konzerve kole (bez obzira koje vrste, ne mora biti samo Coca-Cola) iz čitavog svijeta.

Ovom prilikom vas molimo da nam pomognete u sakupljanju tih konzervi.

Na ovom flajeru imate informacije o tome kako i kome poslati konzerve.

Hvala na saradnji.  
Emilia Liu,  
mail: [emilia.liu@varldskulturmuseet.se](mailto:emilia.liu@varldskulturmuseet.se)



can you send us  
your can ...

The Museum of World Culture is collecting empty  
cola cans of various brands and origins, from  
around the world. It is the exhibition. Take the  
chance and be a part of this event!

Please send the cans to:  
Gothenburg December 13, 2011 via:  
Varldskulturmuseets "CAN"  
Box 5003  
402 27 Gothenburg  
Sweden

VÄRLDSKULTURMUSEET

NOVI KLINCI



Građanski Edukativni Centar

Kaldrma 2, Tuzla

[gec@gec.ba](mailto:gec@gec.ba)

[www.gec.ba](http://www.gec.ba)

+387 63 237 134



#### 4. Novi klinci, nove nade

Novo kreativno ostvarenje iz GEC-a dolazi pod imenom „Novi klinci, nove nade“. Naime ovaj projekat „Građanskog edukativnog centra“ je usmjeren na podršku lokalnoj zajednici za izgradnju mira, tolerancije i suživota putem dijaloga mladih ljudi različitih nacionalnosti. Projekat je osmišljen tako da ga sačinjava niz radionica koje bi se organizovale u suradnji sa vjerskim institucijama i drugim edukovanim osobljem za različite interaktivne radionice. Ovim projektom se prevazilaze barijere koje se javljaju u svakodnevnoj komunikaciji i druženju između mladih ljudi različitih nacionalnosti. Cilj je prevazilaženje ideje različitosti, pokazivanjem mladim ljudima da je mali broj različitosti za razliku od velikog broja sličnosti koje nas povezuju i nameću nam da se oslanjamo jedni na druge, dok je krajnji rezultat ovog projekta prevazilaženje barijera različitosti mladih osoba starosne dobi od 11 do 14 godina.

Dragi prijatelji,

Ukoliko ste zainteresovani da se u mjesečnom informativnom biltenu Omladinskog Resursnog Centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

**Rok za dostavljanje informacija za svako naredno izdanje je 30.-ti u mjesecu.**

WEB Stranica Mreže:

sCh design  
Webmaster:

Emir Delalić-Zeko - Tuzla  
[emir.delalic@gmail.com](mailto:emir.delalic@gmail.com)

web: [www.omladina-bih.net](http://www.omladina-bih.net)  
mejling lista Mreže:  
[posta@omladina-bih.net](mailto:posta@omladina-bih.net)

Adrese za slanje vaših informacija za mjesečni bilten:  
[hcatuzla@bih.net.ba](mailto:hcatuzla@bih.net.ba); [orctuzla@bih.net.ba](mailto:orctuzla@bih.net.ba)  
fax: 035 258 077

hCa Tuzla  
Hadži Bakirbega Tuzlića 1,  
75000 Tuzla  
tel / fax: 035 258 077  
e-mail: [orctuzla@bih.net.ba](mailto:orctuzla@bih.net.ba)  
[hcatuzla@bih.net.ba](mailto:hcatuzla@bih.net.ba)

**Mjesečni bilten uređuje Omladinski resursni centar - ORC Tuzla**